

四庫全書

集部

欽定四庫全書

雞肋集卷七目錄

古詩

同劉景文登大安閣

次韵張文潛飲王才元家

次韵范翰林淳夫送秦主簿覲

次韵答秦覲見贈

北京學直舍對客

虛齋

直舍即事

昨日雪已佳約李令希孝

同文潛送況之諫議十四丈守潞過成季作

送梅校理子明通守杭州

送呂承奉至山從呂龍圖晉伯辟秦州機宜

曉發樓子莊

禮部移竹次韵李員外文叔

次開祖使君韵兼呈端叔大夫聖域長老

次韵錢濟明贈感慈長老

送八弟无斁宰寶應

和關承議彦遠水樂

送君

上馬

試院次韵文潛欲知歸期近呈天啟慎思栽花

招泗州叔父

雞肋集卷七目錄

欽定四庫全書

雞肋集卷七

宋 晁補之 撰

古詩

同劉景文登大安閣

劉侯先將軍忠義當代顯
喑噫指強敵却走自相踐
西坡坐首鼠勢蹙不得免
天憐壯士窮有子如此鮮
清時鑄農器文字正須勉
行吟畔牢愁憤悱亦足遣
時來躡雲梯仰視天宇展
下俯河兩涯牛馬細不辨
達生匪行

怪未用驚邑犬官閑尚數臨
泐澤要清淺

次韵張著作文潛飲王舍人才元家時坐客戶
部李尚書公擇光祿文少卿周翰大理杜少
卿君章黃著作魯直

霜雪埋百花及時鬪春陽城南有高士買屋入花藏
經時不出門為花日日忙我居在何許近止東數坊
亦有佳公子連車換帷裳隔牆蜂蝶誼開戶草木香
仙人朱桃椎髮綠童臉芳此公不可見此畫來遠方

竹敲麝麻塢柳拂輓轡牀素兒雖小小亦足侑客觴
尚書廊廟具氣若冰壺涼忘年此賓主吾黨有輝光
人生走塵土歲月顏鬢蒼曷不休沐暇過此薰修房
宴坐二十年非癡實難量

王才元未
四十休官

張侯不出家在

家說緣忘尚擬問兩卿攜肴借紅粧妍歌聽黃子不
飲亦清狂

次韵范翰林淳夫送秦主簿觀

高詞自班馬短句亦陰何翰寫無窮已懷山赴壑波深

耕待鋌艾療饑乃嘉禾機雲共一時未信來者多老病
愧羣豪魚山臨東阿蘇公門下客事業皆不磨孫寶暫
主簿靈槎會窮河它年九功叙當使睦者歌業虛置牙
羽箎簫復森羅鏞鐘欠一鐸未害大樂和却欲從浮海
珊瑚爛紅柯龍門雖箭駛此志未蹉跎丹沙還黑髮流
景爾則邶仇池出一派分江定有沱

事見
蘇詩

次韵答秦觀見贈

修身貴日新如草陳葉換請看絃上矢歲月不可玩文

章得蛙釜虎以皮遘難茲事從古然吾黨奚獨惋秦君
好學勇決勝百馬汗宵行委明月屢得按劔盼鄙夫晚
更事前猛窘新悞憐君亦自嘖意滿懷不散誰為傾國
媒尚此瓊英粲期君似栴置無以無人慢

北京學直舍對客

鳥聲落檐間竹色在戶外解屨置几前放杖當椅背默
然仰棟時往與古初會有時遺坐客十問不一對尚因
呼乃覺笑自謝頑昧知非慕蘧子事去等蜩蛻一生所

未免飲食與眠睡所以更頽然可樂本非內有心欲何
用橋起則形累賴客同門生曠蕩乃不愧

虛齋

虛齋閉疎窗竹日光耿耿更無司業酒但有廣文冷人
憐出入獨自喜往還省時作苦語詩幽泉汲脩綆

直舍即事

秋雲多重陰凌旦亦可樂虛齋坐亭午寒雨依高閣王
官有憂責霖潦河未落孝先但欲眠不奈弟子誼黃花

迫晚景白露下叢薄獨當慰佳節得酒自斟酌

昨日雪已佳約李令希孝

昨日雪已佳今日雨亦好冰膚解萬木洗濯見枯槁思
君對此坐孤詠廢幽討明日尚相期春禽聽清曉

同文潛送况之諫議十四丈守潞過成季作

午投李同年下馬汗如洗城南迫送客雖嬾聊爾耳出
門繚陂陬白鳥起深葦佛宮橫晚霽窈窕間一水偕問
客何人諫垣有直氣吾人浮邱伯聊可與把袂如此邈

迨何得酒亦佳事官閒猶有守旋折窘六轡可憐千紅
蕖的躑躅晚市便當風駕行秋風如箭駛

送梅校理子明通守杭州

金明池上柳人折一枝春贈子意不淺東遊雲外身人
生半刺史朱綬光四鄰此豈經世懷但慰垂白親錢塘
我舊遊頗復識其人不應山水改但恐猿鳥新章臺走
馬客冠蓋盡要津竊祿我自慙便面聊障塵亦思一舟
去共醉西湖濱時平自行樂不為千里尊歸來麒麟上

獻納當及辰

送呂承奉至山從呂龍圖晉伯辟秦州機宜

去日劇奔驥新交非曩圖憐君事業長蔚若頤生鬚表
東海者誰君世有顯儒端委論百揆鞭弭雄千夫二陳
詩禮伯八荀紈綺雛嘗聞達大家可以濟八區功名望
聖世忠孝自吾徒我昔拜秦州詞林炳於菟見謂可與
言鋤荒而破觚剗中不宿穢味道因有腴斯文望若人
顛沛一手扶白頭遠綏邊狐兔安足驅汲黯在朝廷永

絕淮南覲平叔不鬪羌事正今日須今君撰杖屨還向
府中趨問訊不棄捐寄聲亦疎迂何當質疑義賣劒老
樵蘇

曉發樓子莊

曉發樓子莊淮山自茲近春風似惱客浪穩舟不進長
安一回首堤柳千里潤念當整帆席快若冬蟄奮微生
謝拘窘末路嗟鄙吝林花一迎笑巖鳥相借問塵埃改
顏鬢堅白畏緇磷江海慰高情飄蓬自吾分

禮部移竹次韵李員外文叔

東南之美者見伐以直幹豈如此君疎猶作此郎玩此
郎乃在此無乃材亦散平生吉甫頌意鄙枚叔亂坐狂
得此冷對竹頭幘岸尚思殺青書充宇白虎觀恐此愧

子猷還成倚楹歎

文叔有
志史事

次開祖使君韵兼呈端叔大夫聖域長老

神龍異凡馬頭角要須斂邦公七歲時驚耳一語險悟
身非常住風日過河減崢嶸法雲窟跳出有家範金剛

不吐焰已落天魔膽一派感慈中無波寒湛湛是波本
非水無以瓦礫點低枝競聽法草木有情感作解受羣
邪砭砭疑琬琰居然身出定面目本來儼而我九塵勞
見之良內慊周侯老詞句太華聳而黯自說少苦心脩
塗肆窮覽李侯遺世事不琢元無玷文采麗春葩百牘
交千槩顧慙土炭嗜畏疾非羞儉望不見水端譬河還
少貶請佩伯陽言吾非勇於敢

次韵錢濟明贈感慈長老

我聞棲禪人一念超十地云何別影事未免依緣氣譬如幻男女機廢根隨廢不然怖頭走此病窮三世邦公師子吼曾使諸天喜廣說無說時俱成甘露味不知室久如當有天來侍城隅竹塢近梵剎開嚴闕以彼穴中空清風自來萃我生久更事求愚不求慧清風已說法不用重宣偈開祖照人姿滄波白蘋際居然九奏妙往往魚龍戲濟明經世才彫松識寒歲懷寶竟迷邦此豈非良計名山尋勝士投老終深詣我自所蘄廉蟬葉真

堪蔽

送八弟无斁宰寶應

窮邦迫秋成霖雨厚土溼遭吾上涑水潏洶三峽疾邦人送之子岸潦飲馬膝淒淒屬方升澹澹驚竝集衝湍順塗路游波滙原隰安知禾黍腐轉覺蛙黽急何由乾此潦問天借九日蕭蕭荆棘晚疊疊霜霰密之子向南州銅章宰一邑何須念宋遠古謂跂余及揚舲堤柳盡把醺淮山入封圻吳楚徼郡縣秦漢襲開門駟僮閑輶

浦篙帆翕平日書百函交衢客三揖新湖容鼓鑄甲令
貴綏輯之子寡詞科聞詩不讀律古來學為吏頗自吾
儒出足民與知方求由有政術鞭笞麀鹿駭亦恐日不
給先君卓魯後之子况早立焚香閉閣坐啾耳從淖澌
官忙尚偷閒文字要案爰

和關承議彥遠水樂

上盆五尺高下盆二尺廣咿啾蟻穴間飛瀑一線響關
侯初為此避世挹蕭爽晁子亦欣然閉戶穿瓦盎虛堂

一畝靜純白四隅敞中央渾沌胚條忽所求往鑿竅令
語言豈但一成兩危峰下俯瞰石井黝然仰奔泉決皆
落慘澹陰壑想明珠溢盤盂白露溼塵埃聲音通大道
斷竹自誰賞何曾戛擊闌餅缶日夜長初疑風隕籥驟
雨來莽蒼乍似酒落槽夜枕聽惚恍鳴禽雜啁哖物彪
亂肝蠻相依欠林樾見蔽賴帷幌范侯驚側耳李令笑
抵掌張侯助我嬾不憶稅歸鞅雲間余仲弟聊可樂吾
黨中和非外物此理未宜罔相勸戒勿傳名字遍天壤

撞鐘鼎食事老罷不知饗但怪一世狂端如轉車輞能
來解幅巾為子濯泚頽

送君

送君上馬時不道朝鑪煥春風入木心
發紅綠春風良易算那得勤行路且莫望南窗胡蝶飛無數

上馬

上馬笑屬君歸期在十日來時草白芽歸時青鬱鬱來
嗔馬蹄急歸嗔馬蹄緩人心自如此馬蹄終不變


試院次韵文潛欲知歸期近呈天啟慎思

眉山得張侯心許出一手臨川見蔡子千載慰邂逅鄧
君起南國磊磊看三秀譬如黃鍾陳我尚瓦釜吼欲知
歸期近喚馬牽出廐官壺持餉婦傾寫不漬口千章輸
明堂勿問草澤有羣公自凜凜水鏡照妍醜

栽花招泗州叔父

春園移春栽芽蘖杭粒大東風日日吹噴吐不暇裹楊
梢青猶未桃萼紅尚可田蔬美已最村醕醇亦頗少年

慕立事幸得能幾箇艱難合歸來茅屋聊共佐



雞肋集卷七

欽定四庫全書

集部
雞肋集卷八至十一

詳校官庶吉士臣初喬齡

侍讀臣孫球覆勘

覆校官主事臣李駿

校對官中書臣王鍾泰

謄錄舉人臣閻學朱

欽定四庫全書

雞肋集卷八目錄

古詩

次韵閻秀才漢臣食兔

和蘇翰林題李甲畫雁二首

秋竹

郊居與八弟无斆讀書

用无斆八弟永城相迎韵寄懷

次韵答葉學古

次韵蘇公和南新道中二首

感懷追和柳子厚郊居歲暮韵

次韵伯温甥池上八首

次韵彦遠相州道中二首

永嘉縣君赴潁州杜丈之喪送至鹿邑境上贈

別

綴古詩語送无斁弟赴舉

贈文潛甥楊克一學文與可畫竹求詩

補樂府三首

豆葉黃

漁家傲

御街行

雞肋集卷八目錄

欽定四庫全書

雞肋集卷八

宋晁補之撰

古詩

次韵閻秀才漢臣食兔

兔誠中山族中古稍分裂唐虞用大牲雖有目未瞥翬
孫能飛仙飄忽天漢決不逢易牙試厥胃幾泯滅羿弧
殞陽烏曾不弋在穴王良馬慢忌撲握幾奔掣初遭赴
赴子鼎飪飪毛血中逢宋鵲窘飢吻啄原雪叔世削格

多星迸失行列蹄窮不得逸如鼠限高闌應憐蚌潛水
暴腹想江月脣亡欲誰語竟死猶結舌肩尻弱易解狼
藉腥尺鐵抽毫置筠管復苦蠹魚齧論功在冊府微物
推爾傑剡藤光奪縑抄記良瑣屑北鄰閭夫子尚忍資
盃噉得諸韓盧口實以彊暴劣作詩誇芳美此舉寧所
悅不如狐膏臊質賤甘棄絕冢妖老通數藤索夜空設
爾曾不及彼就獲徒內熱聆聲無聳耳當學縮頸鼈吾
君阜萬物沛若澤未竭誰能復古初此味儻可缺

和蘇翰林題李甲畫雁二首

畫寫物外形要物形不改詩傳畫外意貴有畫中態我
今豈見畫觀詩雁真在尚想高郵間湖寒沙璀璨冰霜
已凌厲藻荇良瑣碎衡陽渺何處中沚若煙海

蕭條新湖秋霜落洲渚潔蓮垂蘭杜死菖蒲見深節慘
澹沙礫姿清波侶羣鴨往時吳興守看畫憶苔雪為儀
尚不污孤高比雲月聞在雪堂時滿堂唯畫雪

秋竹

秋風多煩冤竹是歲寒物朝寒堦玲瓏暮寒堦卽勿翻
然下一葉未覺瘦齒岸豈無陳根旁寂莫衆頭屈何時
雷填填看爾射地出

郊居與八弟无斁讀書

坐狂得世捐作官故不了十年未弛負半世不黔竈居
然顏玉雪及是鬢蓬葆碧山已焚魚白水初種稻瓜區
可深隱圭竇便却埽之子懷世資行脩名譽好避人本
愉恬坐我亦枯槁

无斁以余
故得監廟

頃求田野處政以城郭擾

常時啜飢別幸爾晏言笑如蘭豈異臭覆瓿本均好

去聲

不懲范釜塵尚作韓編盜斲輪元戒疾紆絮非病少莞
爾勸之休怡然守而嫪翻思南遷久祗幸北歸早三已
令奚慍四至卿誠巧所欣顛木蘖莫羨姣人瞭同氣靡
間言它人闕忠告貧居無酒肉窮巷有深討葵作飽蓬
蓬茗澆憂悄悄長閑味更永競進念已勦目鴻天蒼蒼
夢蝶日杲杲蘅皋美新雨藜杖邈高蹈營齋直新徑創
檻俯幽沼架以我園檀茨之子官草

无數月
給芻也

優游聊卒

歲邂逅可同調佩玉子終翔菟裘我方老囊中餐玉法
櫪上追風驃能知面不覩未用心如攬平生夔契慕晚
歲瞿聃妙但欲入林深子來應問道

用元斲八弟永城相迎韵寄懷

平生殫千金術似劉累僻春風九軌道無我迷陽跡呼
來著冠統野貌不改昔易衣憐介弟猶有布一尺身慙
崔浩短胸次儼列戟中天翥鸞鳳我自無六翮何曾客
權貴見謂貧盜璧堂堂涑水翁我在此人籍不詆曲江

賢寧羞九年謫
難累吾母鬢髮白
一夕獨此負吾心
敢言忠抱石方時
半千運異昔陽九
厄譬馳羊腸坂雙
任臣子責帝王所
張弛乾坤有闔闢
君敷皇極言人詠
蓼蕭澤鳶魚競飛
躍風俗凜移易已
開公府閣又置四
郊驛搜求逮田野
欣喜到僮役雖微
攜手上頗似破笈
釋川塗見吾弟薪
木詢我宅憐君如
我固不歎元尚白
薄飲盡餘醅凝塵
振麕席我醉易成
狂欲起須君掖

次韵答葉學古

昔我遊武林值子長江頭我時方南轅子亦將西舟相
見兩大笑典衣上高樓樓高不知暑五月凝清秋環觀
四山明俯視萬井稠喧喧市中人日暮歌吹浮忘形與
子飲一醉餘無謀湖上荷花生黃鸝飛柳洲翻然搖兩
槳下上逐輕鷗不覺脫塵世自謂逍遙遊晚訪城隅寺
竹林森如幃斫薪煮山茗蕭洒破百憂腳嬾厭塵闥五
日成淹留肅肅太史家門闌閑且幽荒亭蔭疎桐雀鬪
聞啾啾其人絕世賢擲揄困時流唯我與吾子大軸更

往投幸聞一諾榮不受萬戶侯誰言王母桃方朔不得
偷未幾子告別西賓帝王州吳船風雨夜送子不勝愁
八月子獻書高談夏商周惜哉天下馬驪牡煩推求我
濫鄉老薦麻衣望前旒愧非鳴鳳祥斥去還林邛三月
我度江子行窮海陬相望遂乖隔慨歎不自休逆旅善
辱人虛激韓娥謳操瑟立齊門乃反怨不收嗟哉子與
我不幸斯人儔有客道閩吳書詩眷綢繆開緘恍自失
但覺膽氣道有如飲貪泉海貨溢兩眸子詩益加富我

句猶能裒春禽與秋蟲引腹聊相酬

次韵蘇公和南新道中詩二首

山園芙蓉開寂莫歲云晚公來無與同念我百里遠寒
飈吟空林白日下重巘興盡還獨歸挑燈古囊滿

讀公棲鴉詩歲月傷晚晚公胡不念世蠟屐行避遠羈
鳥翔別林歸雲抱孤巘我才不及古歎息襟淚滿

感懷追柳子厚郊居歲暮韵

殘暑夜如炊曉風吹蕭索開門望林木引蔓修籬落所

欣塵累遠不恨生涯薄心事少干雲白頭成憶昨

次韵閻甥伯溫池上八首

文饒論百揆豪氣闊天宇歸來坐平泉草木何足數只
今和文弟怪石幾風雨達生要忘累人取應我與

李和文家

涼堂後石甚奇上刻平泉字蓋文饒自題也

昔吾卜城東今吾卜城中祇畏盜賊迫安知塵市同畚
鍤運渤海操蛇應未窮無乃遭此笑君如北山翁

誅茅斬惡木衆卉方以朋掘沙到沮洳方復見此澄客

來恍異境物象初不增以此自誑目果下能日藥

池深不可臨際水作石磴塵埃攪百里得此亦差勝晨
朝看雨坐蛙喜律呂應有兒不鼓篋共此疎嬾興

物養有得失瘠地江河隈亭檻但小草山林自奇材我
有八極興聊堪一席開長嘯本造適悲風為誰來

自從移居來城市益啾擾如何跬步近亦有鷺下沼竭
來欲騁騫詰曲故百遶人間南柯夢方此猶復小

黃冠一奇士教我漱華池茅檐夕堅坐見月柳間低水

蟲時一出細浪作鱗差流觀起百慮內視失羣疑
平生惟親舊相得懷抱敞寧知老田里三徑得還往結
廬在人境此意陶令賞但話北窗涼何必羲皇上

次韵彦遠相州道中二首

自君之出矣吾居闕畫橫尚有楊李來時能出門迎少
日所忿懣壯年督雙睛涉月在一牀幾成小冠盲夫子
竹林趨世固溷高明尚喜鞍馬間經阿復緣泓詩隨晚
雨墮迫戶有餘清便擬釀白黍相邀飮青精重惜吾楊

李祖秋各南征

朝入一几縱算入一几橫黃卷值昔人歡與相逢迎孫
子謝口語阮生勞目睛登亦豈必暗籍猶未能盲學非
經世具所貴自知明仁義有不然失時悲戰泓一生展
幾量況欲埃河清動與道彌遠靜於理逾精君能問舍
往吾亦賣刀行

永嘉縣君赴潁昌杜丈之喪送至鹿邑境上贈

別

二十年糠粃相從無覲顏尊公抱至痛白玉掩深管送
子三百里西風涕汎瀾鄰喪罷相舂況我五服間憐子
一女子忘身赴憂患但恨莫攀輶賤生守微官勿為撻
執悲我居不求安送死當大事丈夫良獨難

綴古詩語送无斁弟赴舉

鮮民之生靡瞻匪父母氏劬勞寧不我顧兄弟無遠惟
予與女執子之手此夕何夕我心蘊結兮嗟予弟行役
二之日栗烈飄風發發子之清揚麻衣如雪載馳載驅

出宿于干揆之以日體无咎言既差我馬遠送于野敦
彼獨宿于林之下無衣無褐不念昔者陟彼高岡或降
于阿瞻望弗及獨寐寤歌展轉反側不平謂何顯允君子
洵美且異溫其如玉干祿豈弟春日載陽薇亦作止睨
睨黃鳥嚶其鳴矣

贈文潛甥楊克一學文與可畫竹求詩

與可畫竹時胸中有成竹經營似春雨滋長地中綠興
來雷出土萬籜起崖谷君今似與可神會久已熟吾觀

古管葛王霸在心曲遭時見毫髮便可驚世俗文章亦
技爾詎可枝葉續穿楊有先中未發猿擁木詞林君張
舅此理妙觀燭君從問輪扁何用知聖讀

補樂府三首

荳葉黃

蒹葭蒼蒼葉黃南村不見岡北村十頃疆東家車滿箱
西家未上塲荳葉黃野離離鼠窟之兔入畦豕母從豚
兒豕啼豚咿咿銜角復銜萁荳葉黃穀又熟翁媼衰鋪

糜粥豈葉黃葉黃不獨豈白黍堪作酒瓠大棗紅皺豈
葉黃穰穰何膈膈腰鎌獨健婦大男往何許官家教弓
刀要汝殺賊去

漁家傲

漁家人言傲城市未曾到生理自江湖邨知城市道晴
日七八船熙然在清川但見笑相屬不省歌何曲忽然
四散歸遠處滄洲微或云後車載藏去無復在至老不
曲躬羊裘行澤中

御街行

雙闕齊紫清
馳道直如線
煌煌塵內客
相逢不相見
上有高槐枝
下有清漣漪
朱欄夾兩邊
貴者中道馳
借問煌煌子
中道誰行此
且復就下論
驄馬知雜事
官卑有常度
那得行同路
相效良獨難
且復東西去

雞肋集卷八

欽定四庫全書

雞肋集卷九目錄

古詩

和關彥遠秋風吹我衣

贈關澮關沼

贈王順之歌

遊棲巖寺呈提刑學士毅夫兄

聽閻子常平戎操

同楊希仲吳子進李希孝張景良北關納涼晚
過大安寺

同張子望顏伯儀上關納涼

開梅山

富春行贈范振

胡戢秀才效歐陽公集古作琬琰堂

和縉雲守關彥遠浮山作

試院求李唐臣畫

黃河

酬李唐臣贈山水短軸

欽定四庫全書

雞肋集
卷九目錄

二

雞肋集卷九目錄

欽定四庫全書

雞肋集卷九

宋 晁補之 撰

古詩

和關彥遠秋風吹我衣

海中羣魚化黃雀林鳥移巢避歲惡鄴王城上秋風驚
昔時城中鄴王第只今蔓草無人行但見黃河咆哮奔
碣石秋風吹灘起沙礫翩翩動衣裳游子悲故鄉忽憶
若耶溪頭采薪鄭巨君南風溪頭曉北風溪頭昏一行

作吏此事便廢夢中葉落覺有歸意歸歟歸歟吾黨成
斐然君今生二毛我亦非少年胡為車如雞栖鄴城裏
朝風吹馬鬣算風吹馬尾與人三歲居如何連屋似千
里我則不狂曾謂吾狂不吾知亦何傷安能戶三尺喙
家一吭人亦有言人各有志吞若雲夢者八九長劒耿
介倚天外有如陳仲舉庭宇亦不治吾乃今知貴不若
賤無憂富不若貧無求負日之燠吾重裘芹子之飫吾
食牛心戰故臞得道故肥吾封侯匹夫懷璧將誰尤歸

歟歸歟豈無揚雄宅一區舍前青山木扶疎舍後流水
有菰蒲今我不樂日月除尺則不足寸有餘七十二鑽
莫能免豫且無所可用乃有百歲樗龔生竟天天非
吾徒

贈關澮關沼

君不見杜侯昔為歌行贈徐侯大兒色清澈小兒氣食
牛往有關尹官仕周其人有道其澤流會稽竹箭無名
久文采關侯二兒秀不然安取關尹後何用黃雀青鵲

蓬間飛長觜飽滿短觜飢何用城烏嗷嗷八九雛端坐
秦氏桂扶疎淵也詩足興功也禮足立三年不見冠岌
岌何用春耕投種歎粟粒功成裴氏九里溼君家會稽
山頭松樹清江楓乃翁行采薪所願溪上風男兒封侯
食肉勲業須少壯勿學乃翁呻吟蕭屑所願在溪上

贈王順之歌

王為邢和
叔所厚

王郎見若不勝衣眇然儒者未有奇我知王郎有奇處
議論濤海擎蛟螭由周而來逮五季故事本朝能盡知

不惟知之業有用斟酌成敗中無疑我聞昔時崔浩亦
復爾所懷百萬非熊羆人才如此後來少朝廷水鏡區
妍媸胡為五十尚塵土長翮似劒猶差池愀然對我數
白髮追風逐日無由羈三書自薦應不暇五府交辟終
何為邢侯胸中有王霸不但遊談漢終賈勇於吾道一
臂扶往不畏難憂助寡似聞詩有雲龍期云何計出柏
馬下豈非事君難進從古然不然富貴終在天堆金買
玉患無玉玉至自駭無因前君不見東秦逐守拙難似

木石當前以身抵接浙去齊未敢言退飛過宋聊堪比
神形自問還自答因拙得全方至此少狂干世等畫蛇
老罷食功同履絺向長畢事漸可涯彭澤棄官從此始
山林不著一物隨平生萬卷付羣兒收光牛背看屋壁
更不刮膜煩金鏡遭時有用君當起丹青宛轉麒麟裏
我行此計無贏輸世事從來奕碁耳

游栖巖寺呈提刑學士毅夫兄

飛樓壓城城跨野黃河逶迤避條華城南鳥道拱高巖

入谷車箱不容馬解鞍初步石苔青細泉鳴遶竹間亭
肩輿直上十八折維以采絲雙巨絙我行枉矢復蛇蹙
三步一呼勞我僕前旌已作鶴穿雲後隊方如蟻緣木
千條倒澗淙大壑百丈層冰凍垂瀑無雲而雲蒼翠橫
無風而風飀飀聲崖窮東轉路忽平長楊老柏森成城
朱欄碧砌上窈冥蓮花三峰只對面仙人玉女如相迎
却臨北嶺望吾郭萬瓦一垓令人驚孔侯翛然顧我語
高真之居隔風雨下視人寰如此許此中豈但蠻觸微

千古紛爭幾是非我言人處世此見釋氏義人食地上
穀足固不離地我今正在阿堵中與君安得生兩翅却
憶隋文駕六龍意比姬滿朝河宗當時萬騎留山麓登
臨已卷長江東翠微宮裏亦如此依然古殿對喬松何
況山中攜妓裴御史猶唱當時霜月空與君江南厭山
水香鑪雙劍俱夢中異鄉同官對絕景令我不指東飛
鴻立戒兵厨釀春酒要看雪盡山花紅不須墮淚似羊
守且可騎馬同山公

聽閻子常平戎操

嶧陽之孤桐路自霹靂斧龍伏之靈林復古斷文橫截
絲百縷下垂七軫如牛乳上有明星稀可數當軒拂拭
待君鼓君心有在君未語仲尼昔時從師襄頎然一人
猶望羊我獨懷之千古長杖策不省頤之忘去年河決
瘡未補今年赤地無禾黍像龍焚炲亦何取堂上平戎
不敢聽且激南風召時雨

同楊希仲吳子進李希孝張景良北關納涼晚

過大安寺

君不見少陵翁昔時亦厭在泥滓青鞋布襪翁自喜上
關流水入城來青蘋之末風未已駕言出游我無酒張
侯為致尊中旨可憐築室甯封池下有千房并萬蕊官
曹十九民事聒況乃坐堂環榜捶揚波沐髮安在哉我
曹官冷奚不來日長飛鳥困塌翼龜出仰喙魚張腮南
箕不哆少女默焦暍坐恐昆蟲猜楊君嘗攬轡獨出無
把袂古藏大般若中天立華厦同游得吳李張子亦予

社登臨物色為我豪長空吹雨來蕭騷原為起伏河出
沒霧作吞吐山卑高君不見幕中羣公府曹掾清談接
武金閨彥平明趨府罷亭午寧有食頃坐閒燕我曹放
意誠崛奇王事鞅掌慙周詩嵇康不堪章服裏此事恐
得通人嗤李侯挽我未宜下世間一笑如此寡鄙夫敢
慕從事賢少日采薪勤兩肩草元亦投閣醉者墜不愕
安能學丁君高舉似黃鶴一屨平生事百壺中慮廓且
當俛仰宇宙間子欲觀海須觀瀾所思安在良阻艱李

侯有嘉意語若繭電緒不應開口煩睥睨愛身為物太
早計

同張子望顏伯儀上關納涼

高閣無風華屋熱正午四隣還往絕張侯不厭過市煩
呼我柳隄鳴蹀躞城如虬背臥逶迤城上戍樓虬白鬢
一水貫來深宛轉萬家圍去綠參差囂塵塞眼那能避
未暇解衣聊埽地可憐繫馬著垂楊可憐臺榭對池塘
無限芳洲生杜若芙蓉菡萏倚新粧鴛鴦相對鷗鷺舞

飛去黃鸝獨無語登槃未用伐蛟鼉苦菜黃瓜亦堪數
張侯河目須垂膺齒如明玉嚼寒冰未須坐上白羽扇
談言自足驅青蠅司業高情勿寂莫仲宣從軍良可樂
欲看詩句出嵌崆更饒酒量開磅礴廣文顚顚獨何人
男兒三十四方身相逢得意吐然諾俸二百錢終不貧
野橋偃僂風吹髮徙倚門關臨巖嶮江湖平日憶蘇侯
更詠夕陽明觀闕

蘇文子由上闕詩云
落日回看觀闕明

人語喧喧未聽

回木蘭晚放水萍開黃昏下馬天似漆急雨傾屋翻狂

雷

開梅山

開梅山梅山開自熙寧之五年其初連峰上叅天巒崖盤歟閼羣巒南北之帝鑿混元此山不圯藏雲煙躋攀鳥道出蒼蔚下視蛇脊相夤緣相夤緣窮南山南山石室大如屋黃閼之記盤瓠行跡今依然高辛氏時北有犬戎寇國中下令購頭首妻以少女金盈斗遍國無人畜狗厥初得之病耳婦以盤覆瓠化而走堪嗟吳將

軍屈死玃玃口帝皇下令萬國同事成違信道不容竟
以女妻之狗乃負走逃山中山崖幽絕不復人跡通帝
雖悲思深往求輒遇雨與風更為獨力之衣短後裾六
男六女相婚姻木皮草實五色文武溪赤髀皆子孫休
離其聲異言語情黠貌癡喜安土自以吾父有功母帝
女凌夷夏商間稍稍病侵侮周宣昔中興方叔幾振旅
春秋絕筆逮戰國一負一勝安可數邇來梅山恃險阻
黃茅竹箭靈霧雨南人顛踣斃溪弩據關守隘類穴鼠

一夫當其阨萬衆莫能武欲知梅山開誰施神禹斧大
使身服儒賓客盈幕府檄傳徭初疑叩馬卒歡舞坦然
無障塞土石填溪渚伊川被髮祭一變歎非古今雖關
梁通失制後誰禦開梅山開山易防獠難不如昔人閑
玉關

富春行贈范振

錢塘江北百里餘漲沙不復生菰蒲沙田老桑出葉麕
江潮打根根半枯八月九月秋風惡風高駕潮晚不落

鼓聲夔夔櫓咿喔爭湊富春城下泊君家茅屋竝城樓
不出山行不記秋越船吳帆亦何故今年明年來復去

胡戢秀才效歐陽公集古作琬琰堂

君不見廬陵公往為學士修書日詔畀千金訪遺逸遺
文逸字往往出故都易姓幾兵火量醫鼎腹細詰詘道
人岫嶺空有聞邛陵仙鬼事恍惚共和十鼓記亡一嶧
山肉在無復骨雲陽八體又瓜剖至使漢童訛尉律世
儒詭正何足臧公家安取千軸藏仲尼猶及史之闕有

馬借人吾敢忘題籤甲乙潁水陽後來胡君癖膏肓傾
家自構琬琰堂抄羅近出補厥亡荒林圯冢見未嘗南
觀禹穴計渺茫閉門睥睨在一牀常恨平生好古家無
力騎馬蹊田觀斷刻中郎二字煩走驛率更三日勞野
食長年囊褚況易擲兒作摹朱婦遮壁願從胡君丐無
有十百數中聊取仂胡君今逸民盱眙不見十五春坐
令鉛槧老壯士朝廷豈無憂國人曩時豪氣今誰在會
面只謀千日醉聽君汗漫馳古先世事無何付蟬蛻

和縉雲守關彥遠浮山作

在揚州城中提點刑獄之廨石色如鐵其

高可隱圖經

謂之浮山

廣陵形勝昔所聞崑岡作軸江為門西來蜀道從萬里
伏堆藏阜爭崩奔盤挈蹙踏得江住精鐵一畝歸然存
半潛屋牖半出戶鼉龜見背熊羆蹲我行平地是絕頂
歎息但以指爪捫誰言一水限南北壅遏勢極逾騰騫
不然安得江南之山踴躍出中流浮玉猶齒萃操權高
視競瓜分島夷索虜何煩述木蘭水調更淒涼延和小

語尤倉猝周公卜雒貴坦平亦言有德易以興真人龍
飛狐兔窘御營周塹壓蕪城大明寺中老竹在九曲池
上新荷生君胡聞此不數往地中頑礦煩譌評自言家
世西湖側慣聞洗土開南屏欲空息壤發幽祕河曲定
笑勞精誠君不見珊瑚玲瓏石上吐海底有山那可覩
試院求李唐臣畫

有客攜來白團扇看君畫出翠微峰忽然陂水變陰霧
便有松林吹晚風松林陂水靜何極何處歸舟天際識

韋侯直幹儻不難杜陵東絹那能惜

黃河

黃河齧小吳天漢失龜鼈靈原潭下藕爛死只有菖蒲
不生節白馬橋邊迎送胡冀州斷道無來車新隄築得
高嵒嶮舊隄杵聲未可絕

酌李唐臣贈山水短軸

李為刑曹杜
君章知賞

大山宮小山霍欲識山高觀石脚大波為瀾小波為淪
欲知水深觀水津營邱於此意獨親杜侯所與復有人

不見李侯今五載苦向營邱有餘態齊紈如雪吳刀裁
小毫束筍縑囊開經營初似雲煙合揮灑忽如風雨來
蒼梧決漭天無日溪巖老樹洪濤入榛林閭漠獫狁寒
苔蘚侵淫螺蚌溼紛紛禽散江干沙有風北來吹蒹葭
前洲後渚相隨沒行子漁人歸徑失李侯此筆良已奇
我聞李侯家朔垂跨河而北寧有之曷不南遊觀禹穴
梅梁鏤澀萍滿皮神物變化當若斯元君畫史雖天與
我論絕藝無今古張顛草書要劒舞得意可無山水助

他日李侯人益慕

雞肋集卷九

欽定四庫全書

雞肋集卷十目錄

古詩

題惠崇畫四首

擬樂府十二辰歌

二十八舍歌

行路難和鮮于大夫子駿

跋遮曲

長安行贈郭法曹思聰

悲來行哭石起職方

鸞車引

贈戴嗣良歌時罷洪府監兵過廣陵為東坡公
出所奪西夏刀劒東坡公命作

秋夜古風

苔雪行和於潛令毛國華

冤胸路

芳儀怨

五丈渠

賈碩秀才得兩圭有邸

閻子常攜琴入村

贈余樗年試院作

次韵都尉王晉卿天駟監邂逅作兼呈坐客

雞肋集卷十目錄

欽定四庫全書

雞肋集卷十

宋 晁補之 撰

古詩

題惠崇畫四首

東風回江上渚何處來雙白鷺灼灼岸間桃依稀蘭杜
苗一銜湍瀨鱗一下青林梢瀟湘綠水春迢迢

春

老柳無嘉色紅蕖羞脈脈宛在水中洲雙鶩羽蒼白何
須玩引頸顛倒寫經墨惟應一臨流當暑袵絺綌

夏

一雁孤風乍臨渚兩雁將飛未成舉三雁羣行依宿莽
蘆花已倒江上風雲間分飛那可同

秋

天高靄靄雲昏江闊霏霏雪繁渚下鴨方遠泛枝間雀
不聞喧鄙夫此志相依生涯稊稗同微欲具沙邊短艇
波濤歲晚人稀

冬

擬樂府十二辰歌

鼯鼠食牛牛不知牛不願駢而願犂虎噫來風皮見藉
兔狡宅月肩遭肱欲兆幽烽二龍死獨微晉澤一蛇悲

失馬吉凶方聚門亡羊臧穀未宣分沐猴冠帶去始慚
木雞風雨漠何聞不須皎皎吠蜀狗阮子與豬同酒樽

二十八舍歌

戎菽有角原桑黃客愁唧嘖聞扈亢轉蓬無氏行役晚
蟋蟀在房思婦惋男兒有心事弧矢十年風光隨馬尾
長鬚春米婢借箕斗酒為君聊解頤誰憐長夜飯牛苦
安能臥泣羞兒女

闕虛危
二句

平生未入君此室一廬儵然

四壁立文章奎躔動圓天貧有餘富黔婁賢功名不羞

爛羊胃滅昂倂降未能計誰能簡畢老此生不用諏觥
招忿爭世事參商君此行桂酒椒漿石井美山鬼幽篁
衣薜荔算江老柳繫歸船蛟宮涵星動深淵張帆自慣
夕風恬九折摧輪鵠翼短他年君車當軫轉

行路難和鮮于大夫子駿

贈君珊瑚夜光之角枕玳瑁明月之雕牀一繭秋蟬之
麗穀百和更生之寶香穠華紛紛白日算紅顏寂莫無
留芳人生失意十八九君心美惡那能量願君虛懷廣

未照聽我一曲關山長不見班姬與陳后寧聞衰落尚
專房

跋遮曲

君不見魯中羣兒歌跋遮跋遮跋遮何語耶吳歛越吟
初不省恐自塞北傳胡笳跋遮胡為樂中華試歌河漲
水漸^尖車河中耕泥春種麻麻生三歲不開花腰菱兩
角黑如鵝漁父笑且語誰能跋遮舞君不見前年大旱
河草黃草中魚子化飛蝗又不見往年大雨雨決渠渠

中朽瓜生老魚蝗飛食場穀擊鼓煩趨撲我家具如
筍束今年梁山撓濁淤兒無鋤麻姑來漁荷鋤往賣鋤
買網空市無丁丁斲舩斲屋櫨艇子如星喚施農夜唱
跋遮曲羣鳴起白鳧

長安行贈郭法曹思聰

越羅作衫烏紗幘長安青雲少年客梁門門西狹斜陌
飛閣氤氲多第宅南威十五桃花色簫管哀吟動魂魄
銀槽壓酒傾琥珀青絲絡頭飛赭白韓狗胡鷹快多獲

少年意氣區中窄金昆玉季盈十百君獨飄翩異風格
十歲鉛丹事書冊豈徒新豐困寒阨能犯龍頭請恩澤
送君此行無愴惻努力功名傳烜赫它年尋我吳山側

躑躅盈山禽礫礫

郭雅好山水
嘗約遊吳

悲來行哭石起職方

悲來乎石君吾何悲夫斯人婉兮河之津厖眉白面照
青春朱紱斯煌映路塵翩翩者驥銀鞍新東來奇意安
所伸大野既瀦唯赤墳穀垂穎麻敷芬亡逋來復瓦鱗

鱗高堂擊鮮會衆賓賓起舞君欣欣何人未至居客右
西郭之一儒迂且貧迂且貧自隗始能招劇辛致樂毅
四方遊士爭來奔戶內光儀亦可論大息拖縉紳中息
氣氤氲小息秀眉目天上清秋雲朱旗畫舸長隄曲去
時簫鼓黃塵覆無復當年子產歸至今人作嬰兒哭西
郭之一儒無事門生苔久雨足不行官街常時門前車
馬客舊雨自來新不來聽我陳張叔卿孔巢父皆隱淪
無人汲引長飢辛日午不出開衡門前侯後相安敢論

憂殺口間縱理紋長慟吾邦對遺跡耿耿一心誰我識
徐君已死劒不忘心已許君那復惜

鸞車引

詠史

推鸞車伐鼉鼓從帝子迎天女天女喜立龍旗馮小寶
光陸離雲斑斑覆銅山新城鳴鳩如乳烏飛來為爾棲
青梧控鶴府令雲衣裾僕射竄死令公誅婦懼兒無呼
兒呼驚索胡宜都內人立次且手擎何物金唾壺請為
大家畫長圖徐公子譁且止卿無來明堂屢舞覆龍盃

覆盆之傍戲大鼠卿欲投之梁公懼

贈戴嗣良歌時罷洪府監兵過廣陵為東坡公

出所獲西夏刀劒東坡公命作

三郎少日如乳虎代父搏賊驚山東硬弓長箭取官職
自說九戰皆先鋒將軍拳勇饋不繼痛惜靈武奇謀空
城頭擲榆下俛走壯士志屈羞填胸平生山西踏霜雪
洪府下濕號兒童聞名未識二十載初見長揖東坡公
銳頭短後凜八尺氣似飲井垂檐虹只令不語當陣立

望見已是千夫雄往年身奪五刀劍名玉所擐犀札同
晨朝攜來一府看竊指私語驚庭中紅粧擁坐花照酒
青萍拔鞘堂生風螺旋鋸波起脊白蛟雙挾三蒼龍
試人一縷立褫魄戲客三招森動容東坡喜為出好礪
洮鴨綠石如堅銅收藏入匣人意定蛾眉稍進琉璃鍾
太平君子尚小怯戒懼邾小母弄蜂舞千兩階庶可觀
跳空七劍今何庸我為蘇公起揚觶雅歌緩帶聊堪同
從公請礪歸作硯聞公嘗諫求邊功

秋夜古風

瑤池始波縣圃風
鄧林飛葉雲攬空
人間櫟社幾黃落
曉窗洗黛悲青銅
常嗟彭祖悔杖晚
不見王母桃花紅
安知帝怒削龍伯
輿嶠已沒歸墟中
楚人方復感時節
申旦不寐同秋蟲
虛堂氣入枕簟肅
熟寐不復聞嗵嗵
大言身塞不得仰
了語無異鴻毛烘
天如旋磨人蟻却
更千萬日勞何功
漢南種柳人笑爾
江潭悽愴彫形容
小樓遐觀午夜闌
涼月不盡山無窮
一身逆旅過萬物

千古昨夢如驚蓬胡牀收慮暫一息杲杲已上扶桑東
苔雪行和於潛令毛國華

苔溪清雪溪綠溪水灣環繞天目山間古邑三百家日
出隔溪聞打衙長官長髯帽烏紗不曾執板謁大尹醉
卧紫蘭花影斜紫蘭花開為誰好年年歲歲溪南道不
見西陵白髮人荆江夜雪唱陽春陽春絕唱和者寡客
醉聞之雙淚灑夜來魂夢海中山縹緲雲濤煙浪間雲
濤煙浪不可渡睡覺秋風落桐樹秦吉了秦吉了言語

無人會無人會得奈君何且向紫蘭花下醉

冤胸路

棠梨葉戰風騷騷紙錢窻窻鳴空郊背人獨鳥歸寒巢
予亦投村指橫橋茅檐霜月照征袍夜冷不寐聞孤嘯
悼我為生良已勞兩手如龜髀肉消青樓公子燒蘭膏
雪壓屋倒飲方豪睡覺三竿紅日高

芳儀怨

事見虜
廷雜記

金陵宮殿春霏微江南花發鷓鴣飛風流國主家千口

十五吹簫粉黛稀滿堂侍酒皆詞客拭汗爭看平叔白
後庭一曲時事新揮淚臨江悲去國令公獻籍朝未央
敕書築第優降王魏俘曾不輸織室供奉一宮奔武彊
秦淮潮水鍾山樹塞北江南易懷土雙燕清秋夢柏梁
吹落天涯猶竝羽相隨未是斷腸悲黃河應有却還時
寧知翻手明朝事咫尺人生不可期蒼黃三鼓溱澍岸
良人白馬今誰見國亡家破一身存薄命如雲信流轉
芳儀加我名字新敎歌遣舞不由人採珠拾翠衣裳好

深紅退盡驚胡塵陰山射虎邊風急嘈雜琵琶酒闌泣
無言徧數天河星只有南箕近鄉邑當時千指渡江來
同苦不知身獨哀中原骨肉又零落寄詩黃鵠何當回
生男自有四方志女子那知出門事君不見李君椎髻
泣窮年丈夫飄泊猶堪憐

五丈渠

五丈渠河水齧堤三里餘懸流下噴水渤滴訛言相驚
有怪物樂東漁子浮兩舫清晨徑流雙鬣搖驚人跳起

橫觸島大鱗十尺長天矯殺之信宿不敢言竝村稍稍
聞者誼伐鱗封肉擔揭去兩日一村猫犬飫夜來水泛
州西原青青百頃白波翻里巫推變咎漁子豫且賊神
實為此此邦一年不穀食賣魚取錢當常職聞道相家
口津人無敢憑大魚死小魚靈

賈碩秀才得兩圭有邸

混沌既鑿元氣痛鴻源滔天堯曰吁羽淵之化三足遁
元圭告功聞禹書姚虞班器奔九區塗山合瑞羣辟趨

二腹肆伐夏寶俘下逮血祭仍謳辜饗有明德繫玉如
霍山屬之醫無閭裂崖剖璞陳璠璣追琢出美山為虛
兩圭禮地四望俱寸尺可識形可圖緡城之西物色古
霹靂野火燒牆堵大氓築室動千杵奔泉啓鍤幽奇覩
陰溪埋冰剝寒土濃氛却埽孤月吐森然睟立疑未舉
熒熒幽光射敗筥鄰人進說田父怖張伯不敢私自取
初來畫地為予語邸圓中規圭合矩瓌奇未可一二數
羸顛劉蹶分莽鹵禮嚴登降謹仰俯牲玉不加隨豆簋

餽羊之存良小補此寶豈徒周石鼓
鄴城尺鐵尚可神
老虬躍水生雷雨

閻子常攜琴入村

閻夫子通古今家徒四壁猶一琴
今年二月雨霖霖喜
君攏麥如人深屋間幽默咸池音
高山流水我非聽聽
我說君辛苦吟薛老村西十里地
旱日燎原無柳林芒
屨曳杖逐鐮籠當午未食飢燒心
芸芸麥田翻黃波
蝻蟲盤穗如蝸螺
麥未收打催種
豆屋下跡少田間多
閻

夫子時我過我與夫子良同科四體雖勤口舖衆煮豆
然其窮奈何人謂君琴語辛苦此曲無乃傷天和君不
見夫子宋園不糝猶弦歌

贈余樗年試院作

平生車軌周四方結交童齒老相忘異哉余子久彌芳
吳人猶記稱周郎河豚入網荻芽長宜興罨畫煙水蒼
風雩春服真少狂不愧戴崇升後堂

時王平父方教授
毘陵樗年所最厚

也橫戈筆陳倒千槍叔鸞獨步禹出羌

樗年奏藝開
封第一故云世

儒膠擾何足臧說食不救飢求糧暫思振衣千仞岡空
林無人一繩牀五車純束不在旁欲徹梯磴排空驤鍾
山春水繞城隍從師不憚白笈裝矢鋒相觸塵不揚驪
黃牡牝若滅亡子嚴主簿志不償厭見朱墨紛愴囊西
風雲日思帝鄉東華拜勅鳧綴行黃昏閭闔飛驪驕虛
堂節候變金商閉門蟋蟀鳴我房吾君仁聖周成王屏
驅虎豹開明光山龍粉米雜青黃多儒可贊至治香園
檀山石豈荒涼潢汙蘊藻須豆觴願君與借羽翮翔賢

書蠶列升未央君如病鵲待秋霜牛衣未可悲王章公
朝道闕五達莊服褭按節緩勿忙夢松生腹渠不祥莫
車上僂應循牆功成歸飲沆瀣漿發機要若黃閒張

次韵都尉王晉卿天駟監邂逅作兼呈坐客

平生杜元凱學問光奕世戚聯帝室未要論烜赫功高
羊叔子青霄翔舞須威蕤孔翠文章豈其累崇臺作山
池作湖富貴所要聲名俱酒樽詩句得過薄小隱山城
殊未疎曹侯詞翰諸公客慣聽清歌耳傾側天閑兩驥

看追風晴軒忽下飲河虹拳毛妙畫不可見顏公筆精
如對面鄧張不醉無攬轡燒燭林間鵲飛起第語曹侯
繼張燕鄰榼如澠不憂淺

雞肋集卷十

欽定四庫全書

雞肋集卷十一目錄

古詩

鄧御夫為窟室戲題

揚州被召著作佐郎自金山回阻冰作效退之

陸渾山火句法

澶守諫議韓琦禱雨有應

依韵和子充雜言

徑山

次韵太學正宋遐叔考試小疾見寄

淮壩

寄懷壽光主簿四叔父

收麥呈王松齡秀才

花林示楊彭年秀才

莎雞食蝗

題李傅推官頤齋

答趙滋主簿

飲城西贈金鄉宰韓宗恕

答陳履常秀才謔贈

和王仲甫病暑

贈送澶州監酒稅劉銓殿直

和顏隨飲酒

壓沙觀梨

過金堤劉景文

送趙燮

送石梁赴舉

雞肋集卷十一目錄

欽定四庫全書

雞肋集卷十一

宋 晁補之 撰

古詩

鄧御夫秀才為窟室戲題

君不學馮驩彈鋏從薛公貸錢燒券悅市傭又不學魯
連約矢射聊城笑夸田單取美名何為空郊獨坐一茅
屋深如魚潛遠蛇伏荒檐野蔓幽莫矚窺戶下投如墜
谷其外桑麻雜蔬菽白水寒山秀川陸秋風蕭蕭吹苜

著晚日牛羊依雁鷺朱書細字傳老子蠹穴蝸穿無卷
軸我來不暇問出處但愛君居伯夷築九月九日秋氣
涼芙蓉黃菊天未霜登高能賦豈我長從君此庵時相
羊不用糟邱譏腐腸酒酣猶能歌楚狂我敬先生不敢
量二三子者亦自彊潔身亂倫非所望

揚州被召著作佐郎自金山回阻冰敘退之陸
渾山火句法

二年官揚猶一炊丞聲毋害守不譏帝知無功呼返之

具舟從江民不知道傍愚叟為涕洟豈無愛人如爾為
我謝叟歸視汝兒風號鴻潦水涸陂冰塞川舩不可移
白蜺橫野光逶迤寒威上射小日規旦行一里方午維
十日繫野兒啼飢中無載盜過不窺官令十夫為操椎
耶許相力哀復疲我笑遣夫是安施霜不殺草聖所歆
歲十一月冰固宜逆天進亦不可幾為兒搏飢兒安嬉
寧三月暖猶流澌

澶守諫議韓壽禱雨有應

長蜺飲井井欲乾白黿鳴窟淒風寒公馬未駕陰漫漫
公歸溼幙濡旌幡霜刀不染鵞頸殷塗龍安享雲舞閑
隰桑有沃柔可攀小麥青青大麥攢拜公起舞公顏歡
明日空堦響夜闌屋漏不復愁衣單幘幪廣厦安如山

依韵和子充雜言

君不見東方朔避世金馬門侏儒侶郭同陸沈滑稽突
梯意已深不如孫登閉口逃蘇門身猶孤鳳無與隣心
知嵇生未識真兒童讀書聞入孝遭時有用可以移於

君孔子繫易辭尊乾而卑坤耦耕未足問禮則鳥獸固
自羣荆榛孟嘗聲勢一旦消歇冢上之牧良可悲苟為
貧賤不濟物身死泯然俱若茲聞君早慕棲竹林何忽
作此悲來吟嚴君肥遯業討論少年宜自有異聞窮達
俱性外學者所不陳惟勿枉道寧屈身豈欲行不由徑
如滅明不然不欲乞醯於隣同微生白駒雖潔空谷難
久將誰親當詩一篇差可人秋蘭蘼蕪亭下生亦蕃夫
人自有美子何足言採擷但慰吾愁魂吟詩作賦北窗

詞更妍萬言不直一盃何足憐
咿啾聊用窮吾年能來西疇
清坐一榻橫長飢亦不輟
釜云無羹荀卿論義榮
逕庭大不近人情是非亦置之
古人踽踽涼涼生何為
揚雄擇中庸反騷痛湘纍
我今不見雄此心猶為君子
夷世間趣舍不同豈但羊棗
繪陶潛自謂結廬人世無
車馬喧心遠能爾安有鄭君
其門如市亦能自謂我心
如水

徑山

盤崖繞壑步步高僕痛馬乏游人勞五峰崛起干雲霄
衆山奔走爭來朝我行直欲犯星杓意徹絕頂纔山腰
松間鳥語如我招仰見白塔當林梢檐攜上下若桔槔
路窮飛樓鬱宮堯欽翁未來蔽管茅山精木怪謹游傲
麕馳虺竄狂鼯跳靈景晦昧何由昭忽然飛錫從江皋
窮探不憚東峯遙曲腰丈人白絲袍再拜辭前風電飄
三百年來響鍾鐃閩商海賈輸金刀直欄橫牖山周遭
晨叅夜諷聲嘈嘈碧杉紫柏羅旌旄客來六月忘炎歊

明月庵前醉松醪白雲峯頂瞰吳郊鷺毛一點錢塘潮
錢王宮闕如累樵臨之股慄精魄超歸不得寐心搖搖
含輝孤亭立嶢嶢此地覽景尤難逃五更月落禽嘲嘲
陽烏欲上海水燒晦明變化不終朝倏陰忽晴狀莫描
夜闌燈青雨飄蕭偶坐兩客論幻泡探元窮妙窺寂寥
破除世事無絲毫不奈詩思猶彊豪歸時日沒紅霞消
荒崖老木山蟬號

次韵太學宋學正遐叔考試小疾見寄

蕭然如裴叔則頰毛疎復長邈然如王夷甫高致宜廟
廊功名四皓雲泉外詩賦三閭草木香君莫誇熙寧登
科面玉雪只今未老鬢髮蒼不應彈琴酒鑪坐消渴還
有禪病縛不忘相拋白社一歲長浮我杜舉須十觴結
交齊東李文叔自倚筆力窺班揚談經如市費雌黃冰
炭何用置我腸勝遊獨不思迎祥漾舟荷渚水中央

淮孺

淮孺日沒風卷沙黃昏飛雪如落花孤舟有客寒不飲

鼓枕關蓬夜憶家雪飛篷底洒我額蓬隙虛明來曉色
紙屏布被風颼颼驚起開篷滿舩白舩頭雪重折黃蘆
下有宿雁驚相呼天寒四野無行客凍卧孤舟愁盜賊
厭聞淮浪打舩聲原上風號天正黑土膏已動春陽來
安得長風埽霧開豁然天外見白日為君挂席凌清淮
寄懷壽光主簿四叔父

我初就學首未冠叔父不以童兒看我今生年二十一
叔父晚作東州官側身西望不得見淚下兩臉何汎瀾

青春白日不照貧士屋使我四壁長年寒六年兩歲從
進士晚學揚雄識難字貸錢乞米出都門鼓腹吹簫入
吳市讀書擊劒老死終何為古來慷慨無人知上有九
重之青天下有百尺之黃泥收聲藏熱等雷火白楊蔓
草秋風悲生亦不可料死亦不可量荆山長號荆兩足
何如船尾歌滄浪我不能鉤章扶句攀俊造又不能赤
雞白狗追年少矯首翻腸無一言歸去吳松學漁釣主
簿卑官何所施秋來兩鬢應生絲阿宜已冠無成事猶

憶它年冬至詩

收麥呈王松齡秀才

晁莊寂莫依東山王莊負郭容往還東山刺薊深一尺
負郭家近饒盤餐穿鞋戴笠隨麥隴旱日炎炎煙燎顏
賤貧辛苦事當爾君屋鱗鱗三百間

花林示楊彭年秀才

花林遠望春陽浮卒然相值東山頭犢兒初乳毛物潤
鴟子欲哺鳴聲柔一生會合盡天幸萬事反覆非人謀

倒頭且擬醉千日相如渴病乾咽喉

莎雞食蝗

居貧得田不百畝天賜時雨苗氤氲遲明當熟晚未刈
災蝗夜至如驚軍秋風吟茅雨洗瓦葉上穗落青紛紛
常嫌莎雞聒麥壠紡車細掉喧晨昏莎雞可憐爾叨利
驅蝗逐蝻羣披分豈惟秋蟬畏蝗斧蝗亦為爾森跳奔
天下災蝗凡幾郡安得爾輩盈千羣揚眉振羽如屯雲
爾雖彊聒誰煩聞

題李傅推官頤齋

無捨靈龜觀朵頤自求口實君自知誰為此者君名之
其說不煩求我詩君家嚴君業夔伊虎視耽耽雄四夷
四方是維天子毗汶陽一室大澤陂我往受業拜門垂
聞公一語洗然奇我歸瞠若安可追君才固是麒麟兒
幼讀父書壯恩施不卑小官乃吾師況有內樂潛天倪
荒城無人誰過之面城築室茲逶迤去年秋雨河股移
百草不生苔擁基蟻子緣礎螾糞泥夜眠不穩憂為池

今年閏早春氣遲牆根隙地稍可埤初植防風種黃耆
萊州石鼎青琉璃地鑪宿火風鳴枝對君長語清未疲
外輕內順生理宜問從何得聊我治平眉州夫子言可
規麻田處士術安期今之崇邛歷九疑見人不語下臂
馳遁逃乎陰食蛤梨君何傖囊不往隨與訪汗漫還無
時還無時我何適北山之南南山北

答趙滋主簿

我昔尋幽徑山上曾傍茗溪弄菱漿南臨天目指掌間

隔嶺如聞笑言響年來清血斷征衣碧髮丹顏日夕非
便欲相期煮白石與君晚入煙霞飛

飲城西贈金鄉宰韓宗恕

大夫盤中定州盞三舉檐花舞凌亂請君行盞且莫稽
為君起賦飲城西城西古道如澗深東風吹沙不見林
虛堂更覺野原闊榆柳浩浩波濤吟雜花一園來遠道
兩株江南梅更好櫻桃已晚猶爛漫百株如雪聊可繞
常時東風無此寒常時諸君無此閑且看瓶口似魚貫

莫惜面文如纈斑大夫工為宋玉賦思不能涯字無數
秀才酷類東野貧白屋青山愁曲身藉咸不肯羞北阮
主簿高材即仇覽成詩午景已妍和罷酒花開應更多
山翁歸不醉當奈峴山何

答陳履常秀才謔贈

驅車觸熱中煩滿苦無蔗漿凍金盃陳君詩卷可洗心
持作終朝晤言伴男兒三十四方身布衣不化京洛塵
白駒皎皎在空谷黃鳥睂睂鳴青春子桑之居十日雨

入門不復聞人語形骸正是吹一呷安用虛名齊后土
文章初不用意成黼黻帝躬臨下民時花俚服誚新巧
牛馬安所辭吾名禹穴幽奇行可彊江北江南正相望
棄濤鼓枻何當往愛惜水仙桃竹杖不應越女三年留
相見還須未白頭蘧生知非苦不早巨壑夜半遺藏舟
達人一言嚆矢疾相從琢磨悔去日菖蒲正是可憐花
我獨聞名不曾識

和王仲甫病暑

吳邦憚暑如蜂蠆河曲還遭長日曬蔗漿金盃賴蠲煩
內託潛陰數為敗黃昏乍快風吹髮驅拊蚊虻坐明發
青衫主簿氣如雲茂陵無事悲消渴茫洋河伯何為者
兩溪無因辨牛馬何生狂夢涸歸墟喉舌湯湯未勞瀉
能來一嗽華池津七椀清風立有神更尋齒下微妙訣
遣君體適仍魂平案頭白紙如堆雪人事紛紛日將月
與君未遇尤四時利害相磨生內熱

贈送澶州監酒稅劉銓殿直

頓邱淇水雄朔方官收權算資公藏晨朝百販羅庭堂
望門逆鼻聞椒漿惜哉劉子氣方剛我冠凜凜頤而揚
丈夫有志固難量短袖不足供倡佯黃河七月鳴浮梁
風埃瘦馬景山長劉子何之魏北鄉悲歌彈鋏邀孟嘗
馮驩一語驚齊王況如劉子足自彊讀書滿腹鉗爾吭
鄴城埋寶夜則光士惟不用久乃彰不見將軍家平陽
遭時有用名焜煌

和顏隨飲酒

樊山夜漲河鳴鼓奎火占中知溽暑顏闔居鄰胡子都
共喜夏廩登宴俎叅軍河北主簿南騎馬相逢不相語
市西老屋斷人居自覺天風生廣宇青菅席坐土階溼
黃綆汲泉塲井古翩翩後至王將軍開口相投律呼呂
丈夫得意吐然諾盃酒形骸安足數露頂張顛且勿幘
起舞我能先衆客二豪禮法空是非一斗三盃眼方白
中虛嘔冷腹橫絢汗如槁壤朝陽蒸沸然煩厭暫莫遏
飲蛇不省疑吞繩豨苓卷桂導停飲兩日不咀公厨冰

長篇忽聽鳳皇曲却似半嶺逢孫登君家鐺勺還應洗
須我下牀仍食美西池何似漢江長誰使蒲萄變新泚
醉捉蟹螯擘五指吏部拍浮非在水抱琴寧復待招邀
昨夜雨涼孤興起金丹定有換腸藥不用俗醫論表裏

壓沙觀梨

鄴城旁缺通清溝城南之水中流白沙漲陸最宜果
萬梨壓樹當高秋去年花開往獨晚不見瓊苞腸欲斷
隆冬騎馬傍高原却恨枯枝寒日短忽然變化何處來

一夜東風吹雪滿晴川極望百畝開三山銀闕正崔嵬
雜花不容一朵間照眼冷豔雲為堆堂中置酒對已好
千葩萬蕊誰能繞暝景氤氲一片忙蝴蝶飛來落青草
人間浩蕩看春光豈徒田獵心發狂向人慘澹迫歸興
落日峴山催羽觴故園桃李春溪沒惜哉拔去無奇術
明日重尋儻可期暴雨流堦不能出

過金堤劉景文

雲間高堞如雲白草下深濠如草碧迤迤隴斷出平堤

前見黃河如帶直官居乃在城西原荒臺古木烏鳥翻
美人芳氣如秋菊坐令暉暉棄中園不憂沔澤豪不殺
夜識漢中龜鼈在借須走馬候水曹後時此會何由再
霸陵往來初避名執賈不回人更驚無心躑躅路寢養
服車安用仍一鳴未若捧甕何不可二豪螟蛉與螺贏
況聞舉案良亦賢邠愛五花論酒錢不然慄慄坐歲晚
風入衰柳催寒蟬我論李君其趣獨自喻愚公徙王屋
是中聊可外形骸官閑方轡相與來


沔澤河源
見山海經

送趙燮

趙侯慷慨諸公客少日論兵今髮白自言頗似韞上鷹
老得一州聊鍛翮送行誰復雙眼青斷腸紅頰傾淥醺
停歌自解水蒼佩醉騎紫燕黃河水

送石梁赴舉

鶴知半夜雞知旦歲晚淹畱客心亂功名識時貴及早
不忍飭牛衣至斲家居負米有季弟能視明星弋鳬雁
男兒業就可以行桃李榮時腰綬燦



雞肋集卷十一

欽定四庫全書

集部

雞肋集卷十二至
十四

詳校官庶吉士

臣初喬齡

侍讀臣孫球覆勘

覆校官主事臣李駿

校對官中書臣王鍾泰

謄錄舉人臣閻學朱

欽定四庫全書

雞肋集卷十二目錄

古詩

送張緡子望太常簿

鄭彥能求擬江亭詩

贈楊景平

送吳黯赴闕

送陳逸之筠州

過劉季孫

贈段萬頃

次韵魯直謝李右丞送茶

與李文叔夜談

贈送張愈秀才

魯直復以詩送茶云願君飲此勿飲酒次韵

次韵蘇公翰林贈同職鄧溫伯懷舊作

次韵文潛館中作

次韵太學黃博士冕仲同考試作

復用前韵贈祠部陳元興

復用前韵呈刑部杜丈君章

復用前韵再呈黃冕仲

送龍圖范文德孺帥慶

初與文潛入館魯直貽詩并茶硯次韵

同文潛館中韵贈蔡天啓

次韵魯直試院贈李伯時畫詩

喜文潛自淮南歸招飲西岡呈坐客

李成季得閻子常古琴作

雞肋集卷十二目錄

欽定四庫全書

雞肋集卷十二

宋 晁補之 撰

古詩

送張緡子望太常簿

張侯於我丈人行十年江湖心鄉往平生獨立白雪曲
少時妙譽青雲上胡為四十尚飄蓬逢衣騎馬鄴城中
將軍寶帳簪履肅開府畫筵簫鼓雄况復儒宮飽閑暇
堂有叢書竹蕭洒論文不厭夜經過起看北斗插黃河

相逢安得怨寂莫仲宣樓頭良可樂何當奇計出番禺
未應長檄開印笱太常句稽亦不冗少卿淑問清時重
俎豆之事則嘗聞男兒讀書業有用歸去天邊道路長
東風春草滿池塘美人不來時晚晚誰與玩此林間芳

鄭彥能求擬江亭詩

亭下流泉三畝隘誰擬西江晴一派桃李佳名聞昔人
此言雖小可喻大寧非逐楚顛賴身當是羊裘傲漢人
避世牆東王君公五經紛綸并大春端然養魚廢車馬

一身環堵觀天下吾人鄭子詩句新高堂素壁開蕭洒
何當湛湛見青楓白蘋落日慰相逢一亭兩檻更何有
波濤風雨船前後莫憶棄槎犯漢津莫憶樓船下石城
盡醉漁陽無好曲短蓑銅斗平生足

贈楊景平

君不見華陰楊君漢孔子君生其後無乃似平居恐懼
西北隅力行發憤尚不媿君今鳴櫓下長淮眼明清曉
三楚開揚州行矣勿濡滯江南細雨收黃梅我今正是

鳥折翼肺病三年廣文直昔時黃帽榜舟人却向西湖
當不識寄聲關子老漁樵小山桂樹不須招棹槎東海
未敢必欲去天台觀石橋

送吳黯赴闕

我初官此君未來君今去此我未往飄飛豈不慕緬邈
畱滯何能悲鞅掌學道平生昧蹊徑半世端如走榛莽
古人曾病田甫田切磋安可去吾黨東風消雪送鴻雁
南國連山生篠簜為當歸夢五湖中會有高名百寮上

送陳逸之筠州

居貧百草春，霍靡製作舞。雲春服美，愛君欲贈華韡韡。
思君何處無芳卉，三年眼花祇欲眠。驚夢往往音杳然，
單金安所用。吾技術成正，復遷劉累，不狩何由有貍特。
錢鏐須勤晚，方積呻吟。裴氏日已多恩，流三族功比河。
告行風雨春物空，催花作果黍芄芄。亦從梁汴即清潁，
湛湛已見江頭楓。嚴君被命分符虎，昔者無襦今五袴。
未勞負米迂山川，姑弟酒中從聖賢。

一作奉甘未用君
力田君弟酒中從

聖賢

過劉季孫

劉侯歲覆春堤料居不曾閑須我勞未嫌清濁各有攜
匪報瓊瑤以為好吏訶單紱自可更兒笑接羅從復倒
為憐徒步此青袍重憶歸來著黃帽官忙未向林野疎
時清不廢詩書傲梨花如雪許重尋秋實垂牆晚方到

贈段萬頃

美人窈窕家南國可與副笄親黍稷平生寂莫鳳將雛

慙愧木桃猶報璧石城三漿為誰催萬里清江凌不測
王門酒肉傲勝詭豈有鄒陽仍下客危詞欲洗大夫冤
千載獨懷吾祖賢不量腹小文籍博頗似井蜺輕飲川
丈夫趣舍無南北情親非為牆屋連子真正用臥谷口
乃有高名誼日邊胸中傀磊契何所自笑柴愚得參魯
借令好問忘足繭狐腋豈堪黃犬補吾身櫟社真寄耳
趣取無用安足數無心俎几翫盤辱拳曲不羞人厭覩
土山出火石為融羲和當午車隆隆通渠束帶過者寡

乃獨葛巾終日同傾困倒廩用餉我我為牙羽陳編鐘
蟬聲入耳廩節改別我整驂無愧容

次韵魯直謝李右丞送茶

都城米貴斗論壁長飢茗椀無從識道和何暇索檳榔
慙媿雲龍羞肉食齷齪源萬晦不作欄上春伐鼓驚山顏
題封進御官有局夜行初不更驛宿冰融太液俱未知
寒食新苞隨賜燭建安一水去兩水易較豈如涇與渭
右丞分送天上餘我試比方良有似月團清潤珍豢羊

葵花瑣細胃與腸可憐賦罷羣玉晚寧憶睡餘雙井香
大勝膠西蘇大守茶湯不美誇薄酒

與李文叔夜談

中庭老柏霜雪裏北風烈烈偏激耳誦詩夜半舌入喉飲
我樽中淥醺美升堂辭翰愧非有何異還家數其齒文
章萬古猶一魚乙丙誰能辨腸尾更慙頗似會稽康欲
語常遭士瑤柅廣陵八月未足言曾使醒醲恣然起安
得譚如子枚子

贈送張愈秀才

秋水幽幽濟河道君挂蒲帆若飛鳥西風黃葉滯公車
雞黍從君懷故廬男兒自有四方志世上相期獨榮利
昔時馬周徒步動天子君今有用當如此

魯直復以詩送茶云願君飲此勿飲酒次韵

相茶真似石韞壁至精那可皮膚識溪芽不給萬口須
往往山毛俱入食雲龍正用餉近班乞與鹿官誠覲顏
崇朝一盃坐官局申旦形清不成宿平生樂此臭味同

故人貽我情相燭黃侯發軔日千里天育收駒自汧渭
車聲出鼎細九盤如此佳句誰能似遣試齊民蟹眼湯
扶起醉頭湔腐腸頗類它時玉川子破鼻竹林風送香
吾儕幽事動不朽但讀離騷可無酒

次韵蘇公翰林贈同職鄧溫伯懷舊作

雪堂蜜酒花作醅教蜂使釀花自栽堂前雪落蜂正蟄
恨蜂不采西山梅漫浪飲處空有跡無酒可沃胸崔嵬
不知幾喚樊口渡五見新歷頒清臺鄧公昔歎不可挽

素衣未化京雒埃山中相邀阻筇杖天上對直同金蟲
只今江邊春更好漁蓑不曬懸牆隈百年變化誰得料
劍光自出豐城苔老儒經濟國勢定近臣獻納天顏開
蜀公亭上別公處花柳未逐東風摧尚容登堂譚落屑
不媿索米腸鳴雷因知流落本天命何必挽引須時來
九關沈沈虎豹靜無復極目江楓哀

次韵文潛館中作

蓬山前臨九軌路三日街晴案吹土直廬鑿牖面宮垣

青壁嶄嶄看垂雨殿閣風斜碧瓦寒翅溼蒼鳶不能乳
却思窮巷亦可言一掃蚊虻通昔苦鬱蒸書課未須忙
午漏傳休聽天語傳宣暑伏午
後罷投簪平生豪氣對樽酒山雞
見鏡猶能舞城南寺近晚堪過笙歌涼月聞千戶但憂
伏日細君須割肉無緣待歸俎

次韵太學黃博士冕仲同考試作

日邊傳詔天街算草草西城車馬聚官曹一見故情親
宴語識君心志古成安長孺澶淵守昔君羈游所為主

我窮亦號成安客文采初無君一縷

子與昆仲俱為韓澶州璫之客

胸

中萬頃復誰同正有君家賢叔度官事畱人何鞅掌廣
文楊柳花飛戶好書老未置鉛槧學經晚始羞章句藥
槎況自風格有病顰那可形容慕成詩莫憚繼日傳青
驄御史呼歸去

復用前韵贈祠部陳元興

行樂曾聞戒遲算人生波上飛鳬聚蘭亭往事如過雨
山陰脩竹空千古陳侯揮翰少年時三賦聲名動人主

可是高才棄繩矩自然采繡非針縷五十天南把一麾
猶得無襦歌叔度邂逅西城築冶墟王官繼日車連戶
自言春晚洞庭歸日落江南得佳句傾蓋何妨許如故
執鞭況是平生慕但憂筆陳困攻堅儻許尋盟解圍去

復用前韵呈刑部杜丈君章

杜侯灑墨春雲昇紛紛滿紙棲鴟聚文章不犯世故鋒
牛鬼荒虛瓦棺古平生傀磊寧獨此躋俗唐虞要遭主
先君諸父盡金蘭申以婚姻况覩縷勞心吏卷官有程

得意朋尊美無度尚憶花妍春仲時休沐黃昏來叩戶
苦憐蟾桂將十分欲贈海棠無一句巷南巷北相遇稀
而此從公慰懷慕安石榴紅儻可期公不來過我當去
二花兩家皆有且素約矣

復用前韵再呈博士黃冕仲

龍津之北雙溪驚逶迤勢入龍津聚龍歸何處牛斗閑
劒不可求江海古慘澹猶思八百年變化豈無神物主
何當旋旆入齋淪儻可然犀照毛縷登樓邨有北客同

把酒但看南雁度更邀桃葉遠臨水正值荔枝紅照戶
入梁一曳鄒陽裾思越屢吟莊舄句竹林觴詠當日情
峴山名姓它時慕一聞說盡青鞵游令我棄風欲仙去

送龍圖范文德孺帥慶

君不見先君往在康定中奉詔經略河西戎大順胡蘆
盡耕稼賊書不到秦關東邊人咸識侍中子至今猶說
將軍似給事文武龍圖賢大馮小馮安足言韶年書傳
有肝膽二十起家車檻檻蛟龍雲雨時可用麒麟圖畫

功非晚況聞馳傳厭山谷頃時河隴嚴飛輓朝廷屬休
蘭會兵秦人倚慶為長城時平斥堠正須遠軍閑畱田
未宜輕東風浩浩吹榆柳相勸西城古原酒班春曷不
問遺老先公遠謀尚多有女郎山下萬貔貅部曲肥馬
身輕裘此曹賞賜飽無用談話豈得希封侯趙邊今日
須李牧士無超距姑食肉

初與文潛入館魯直貽詩并茶硯次韵

黃侯閱世如傳郵自言何預風馬牛草經不下天祿閣

詩入雞林海上州兼陳九鼎燦玉鉉竝綴五冕森珠旒
後來傀磊有張子姓名竝向紫府收青春一篇更奇麗
勢到屈宋何秋秋洮州石貴雙趙壁漢水鴨頭如此色
贈酬不鄙亦及我刻畫無鹽譽傾國月團聊試金井漪
排遣滯思無立錐乘風良自興不淺愁報孟侯無好詩

用文潛館中韵贈蔡學正天啓

蔡侯飽學困千釜濯足清江起南土立談頗似燕客豪
快奪范睢如墜雨東城禽羽未足言柏直何為口方乳

蔣侯山中伴香火三年不厭長齋苦平生傀落有誰同
要得張侯三日語晝閑邽自運甓忙時清不用聞雞舞
桓榮歡喜見車馬書冊辛勤立門戶自當食肉似班超
猛虎何嘗窺案俎

次韵魯直試院贈奉議李伯時畫詩

東房攜卷繞幕行西房卷作墮地聲紙山間出筆陣橫
李侯畫若禪眼透透觀魚元沙骨竦瘦舟中淵明細若豆
歸心祇愛玉花驄不須棘針學癡翁惱渠愁作眉鬬紅

數物伯時
試院所作

喜文潛自淮南歸招飲西岡呈坐客

春回三楚冰生漪銀臺春夢歸心馳莫言上水百丈苦
淮渚東風一月期都城經春雪蔽地百花不放須君至
清晨一紙國門書走馬蓬壺下直初保康橋頭燈照夜
我馬鳴嘶向君馬得君豈但官局同卜鄰況近南城下
文詞翊善知名久丈人令德于公後同年廖季芸省郎
吳門隱尉身姓張平時花發值此客隨分東牆有春色

宮壺賜酒玉流卮請君但作留春詩人生身外安所知
為君借舞杜廷尉對花有酒卹不醉

李成季得閻子常古琴作

昔人流水高山手此意寧從絃上有閻侯卷舌臥閻里
意向是中留不朽似聞綠綺置牀頭暑雨東城無麥秋
趙傳和氏齋五日吳得湛盧當兩州李侯得意誇題柱
成詩欲使邀諸路自有桓山石室彈深屋時聞繭抽緒
無琴尚可何獨絃要識精微非度數人生有累無非失

我欲心灰木為質
嬾從徽的自凝塵
老向詩書逾愛日
自言結習久難除
猶理斷編尋止息
焦城卜築近連軫
歸約閭侯亦蕭瑟
舊聞君祖課木奴
試買瑕邱百株栗

雞肋集卷十二